


朔方道志卷之四

建置志上

城池 并圖

公署 并圖

朔方自漢晉以降分合遷徙城署建置代有異同逮至前清規制略定民國肇造百度維新舉凡神明之妥守望之助行旅之利駸駸乎臻大備焉膺斯土者固其封守慎其修葺萬里金湯不是過矣志建置第三



德勝門

護軍使
公署

城隍廟

文廟
師範學校

蒙古學校

北門大街

清鎮

審判廳

東魁閣

市樓

北五元大街

南五元大街

財神樓

十字教樓

玉皇樓

洋肉街口

大神廟
清河門

東

南門大街

第一小學

署署

中華書局



東門外

柳樹巷

大舞台


平康里

新街



北

西



南


朔方道城宋興州城故址景德間趙德明所築舊制週圍一十八里東西袤於南北相傳以爲人形元末因寇亂難守棄其西半明正統間生齒繁庶復築所棄統甃磚石四角刊削以示不滿之意歲久失制猶闕艮方環城引水爲池南北門有關萬歷三年巡撫羅鳳翔增建三十二年兵變湧水灌城間有傾圮事平巡撫周光鎬修葺後巡撫楊時寧黃嘉善崔景榮相繼重修清順治十三年巡撫黃圖安重修康熙元年巡撫劉秉政繼修乾隆三年地震城盡毀乾隆五年發帑重建週圍二千七百五十四丈東西徑四里五分南北徑三里一分高二丈四尺址厚二丈五尺頂厚一丈五尺並磚石包砌外壕口牆高五尺三寸內女牆高三尺城門六東曰清和西曰鎮遠東南曰南薰西南曰光化東北曰德勝西北曰武城樓六座甕城門六樓六座角樓四座炮臺鋪樓二

十四座水溝六十二道六門馬道六座水關四座南薰門外關廂土城一座週圍共長五百九十八丈計三里三分二釐高二丈址厚二丈頂厚一丈外磚砌堞口牆高五尺二寸內女牆高一尺八寸關門一座曰朝陽門樓一座馬道一座便門一座東西梢門二座水溝二十三道水關六道德勝門外關廂土城一座週圍長四百三十丈六尺計二里四分高厚制與南關同關門一座舊曰平虜今改曰永安門樓一座馬道一座東西梢門二座水溝一十三道水關二道城河一道寬三丈深一丈乾隆五年五月興工六年六月告竣共費帑三十一萬四千五百二十九兩零同治二年十月匪亂自西北振武門入陷其城因將是門封閉焉宣統間西門外城磚坍塌三十餘丈民國二年寧夏道尹陳必准護理總兵馬忠孝籌款修補又宣統三年匪亂城陷焚燬南薰門城樓北門城樓年久亦圯民國六年寧夏護軍使馬福祥捐廉自修北門城

樓旋又與寧夏道
尹陳必淮各捐廉
集款飭寧夏縣知
事余鼎銘監修南
門城樓四鼓樓財
神樓初名寧夏府
城民國二年政府
爲道名朔方道
寧夏縣附郭

縣屬無城

寧朔縣城池圖



寧朔縣城係滿城改置清雍正元年旗兵駐防寧夏於寧夏郡城外東北五里築城曰滿城乾隆三年地震圯五年移建郡城西十五里平湖橋東南城東西三里七分半南北亦如之共延長七里五分高二丈四尺址厚二丈五尺頂厚一丈五尺垛牆高五尺三寸俱甃以磚城門四東曰奉訓西曰嚴武南曰永靖北曰鎮朔城樓四座馬道四座甕城門四門樓四座角樓四座舖房八座炮臺二十四座水溝二十四道城河一道寬三丈深一丈乾隆五年五月興工六年六月告竣共費帑銀一十五萬六千五百二十三兩零寧夏道阿炳安承修民國五年取銷旗制移置寧朔縣治於此

附縣屬城池

玉泉營城

係土城

距縣城九十里週圍三里明萬歷十五年築清駐遊擊

守備今裁城圮

平羌堡城

係土城

距縣城三十里明置操守清乾隆二年震圮五年重修

駐把總今裁城圮

鎮北堡城

係土城

距縣城四十里明置操守清乾隆二年震圮五年重修

駐把總今裁城圮

大壩堡城


係土城

距縣城一百二十里明置操守清乾隆二年震圮五年

重修駐把總今裁城圮

中衛縣城池圖

北



東

南

中衛縣城元應理州故址明正統二年都指揮仇廉增拓之週圍五里八分天順四年叅將朱榮增修萬歷三年參將張夢登奏請甃磚舊城東西二門嘉靖時參將周尙文始開南門清康熙四十八年震圯官吏捐修未及完備乾隆三年寧夏地震城垣俱毀督撫會奏中衛縣城一併修建其舊基東西長南北縮週圍五里七分高二丈四尺址厚二丈五尺頂厚一丈五尺垛牆五尺九寸女牆三尺城門三東曰振威西曰振遠南曰永安上皆有樓外有月城角樓三座敵樓八座門臺六座砲臺十四座環城河一道深一丈寬三丈東門外有關萬歷初巡撫羅鳳翔奏建週圍二百四十八丈萬歷十一年巡撫張一元甃以磚清康熙己丑地震後多圯光緒十八年知事潘炳辰領帑補修外城磚工十九年知縣楊增新補修內城土工三十二年知縣王秉章又籌款補修砲

臺堞口子牆女牆共用銀五千餘兩清駐副將今裁

附縣屬城池

石空堡城明萬歷十三年巡撫張一元題建清乾隆四年重修南門一外有甕城甃以磚石城樓三角樓四炮臺二同治年重修八年回亂破毀光緒二十年堡民大爲補修明設守備防守清仍駐守備今裁

鎮羅堡城明宏治元年建清乾隆四年重修南門一外有甕城甃以磚石城樓三角樓四炮臺二年久傾圯僅存門樓三座同治四年被回逆焚燬明設把總防守清仍駐把總今裁


棗園堡城明宏治元年建清乾隆四年重修週圍四百二十四丈六尺南門一有月城甃以磚石上皆有樓同治元年補修後被回逆攻

破門樓角樓均爲焚燬牆垣雉堞多半坍塌清駐把總今裁

廣武城夏興州地明正統九年巡撫金廉奏築週圍二里成化元年遊擊陳連展築爲三里宏治十三年巡撫王珣又拓之高二丈五尺池深一丈五尺南門一上有樓清乾隆四年重修週圍五百七十丈門樓牆堞較舊制有加同治元年堡紳白尙忠捐資補修光緒十七年復修城門洞三甃以磚石明駐都指揮領官軍防守後改遊擊清仍駐遊擊今裁

古水城明萬歷四十三年巡撫崔景營題請孟應熊剗山築城明設兵防守守備清仍駐守備今裁

平羅縣城池圖



平羅縣城明永樂初建萬歷三年巡撫羅鳳翔瑩以磚石清乾隆三年震圯四年發帑重修週圍四里三分高二丈四尺址厚二丈四尺頂厚一丈五尺南北二門南曰永安北曰鎮遠門樓二座馬道二座角樓四座敵樓八座東西堆房二座南北堆房二座城河一道寬五丈深八尺鳳翔府鹽捕廳耿觀業知平羅縣何世寵監修共費帑銀七萬餘兩

附縣屬城池

洪廣營城


係土城

距縣城六十里舊城週圍二里一百六步明萬歷三

十三年巡撫黃嘉善拓其西北共一百六十四丈池深一丈濶倍之清乾隆三年震塌四年重修週圍二里六分高二丈四尺址厚二丈四尺頂厚一丈五尺南門一座門樓一座角樓四座敵樓三座駐遊擊守備今裁

寶豐城距城五十里
 清雍正三年設縣乾
 隆三年震圯乾隆十
 二年改設縣丞司渠
 務今裁城存遺趾
 新渠縣城距城三十
 里在田州塔今通福
 堡雍正三年築乾隆
 三年地震城圯縣裁
 遺趾尙存

靈武縣城池圖



靈武縣城

舊名靈州

舊在黃河南明洪武十七年城爲河水所囓移築於河北七里宣德三年河又崩塌移築於東北隅五里景泰三年展築之並南關週圍七里八分萬歷五年巡撫羅鳳翔甃以磚石高三丈一尺址厚二丈五尺頂厚一丈五尺城門四道東曰澄清西曰孕秀南曰宏化北曰定朔上皆有樓外有月城角樓四座敵樓四座門臺四座炮臺四座環城河一道深一丈寬三丈清乾隆三年震圯五年重修知府朱佐湯千總索雲飛把總邱德倫孫洗監修共費帑銀六萬七千一百餘兩清設知州駐叅將均裁今改縣治

附縣屬城池

清水營城距縣城七十里週圍一里明宏治間巡撫王珣拓以二里清乾隆六年重修高二丈址厚二丈五尺頂厚一丈五尺城門一道